

Isumaqatigiissut

KNI A/S-IMI

Ingerlatseqatigiiffiutaanilu sulisut

Sulinerermik Inuussutissarsiteqartut Kattuffiat (SIK)

aamma

KNI A/S

1. april 2026 – 31. marts 2028

Imarisai

§ 1 - Isumaqatigiisummi pineqartut.	4
§ 2 - Atorfininnermi soraarnermilu angalaneq,.....	5
ineqarneq, nuutsitaaneq.	5
§ 3 - Suliffiup sivissussusia.....	5
§ 4 - Atorfilittut angalanermi aningaasartuuteqarneruneq.	6
§ 5 - Atisat sullisit atortullu isumannaallisaatit.	6
§ 6 - Sulisut sulinerinik unitsitsigallarnerit § 1 g) naapertorlugu.	6
§ 7 - Uparuaasinnaatitaaneq.	7
§ 8 - Akissarsiat tunniunneqartarnerat.	7
§ 9 - Sulinngiffeqarneq sulinngiffeqarnerisutillu.	8
§ 10 - Toqukkut qimagaasut aningaasarsiassaar.	8
§ 11 - Napparsimaneq.....	9
§ 12 - Naartuneq, ernineq qitornavissiarthaarnerlu.	10
§ 13 - TNI-mi ilinniartut praktikkernerisa sivitsornerat.	10
§ 14 - Meeqqap napparsimanerani sulinngissinnaaneq.....	11
aamma.....	11
ullut isumassuiffissat.	11
§ 15 - Qinikkatut pisortanilu toqqakkatut suliaqarnerit.	12
§ 16 - Sulinngissinnaanerit immikkut ittut allat.	12
§ 17 - Aaqqiagiinngissutit assigiinngitsuliorlunilu soraarsitsinerit.....	13
§ 18 - Sulisut sinniisaat pillugit malittarisassat.....	14
§ 19 - Qanoq siviutigisumik sulisimanikkut akissaasersugaaneq.	14
§ 20 - Akissarsiat tunngaviusut.	14
§ 21 - Områdelederitut tapeq.	18
§ 22 - Piffissap ilaannaani suliffeqarneq.	18
§ 23 - Qaangiuttoorneq aamma taarsiullugu sulinngikkallaraneq.	19
§ 24 - Suliartortarfinni nikittartuni.....	20
kiisalu.....	20
sapaatini nalliuttunilu tapisiat.	20
§ 25 - Nalliuttuni ulluinnartigoortuni akissarsiat.....	21
§ 26 - Nikittarluni sulinermut tapisiat § 1 g)	22
naapertorlugu atorfeqartunut.	22

§ 27 - Akkordersinnaannginnermut tapisiat § 1 g).....	23
naapertorlugu atorfeqartunut.	23
§ 28 - Suliartoqquneqariataarsinnaanermut tapeq.	23
§ 29 - Oqaluttaanermut tapeq.	24
§ 30 - Kingoraartaaneq.	24
§ 31 - Tapisiat immikkut ittut.	24
§ 32 - Soraarnerussutisiaqalernissamut akiliutit.	25
taakkualu akilerneqartarnerat.	25
§ 33 - Aningaasaateqarfiit.	25
§ 34 - Soraarniuteqarneq soraarsitsinerlu.	26
§ 35 - Piffissaq isumaqatigiissutip atuuffia.	27

§ 1 - Isumaqatigiisummi pineqartut.

Isumaqatigiisummi uani pineqarput:

- a) TNI-mi ilinniartut aamma NI-2 (AU / KVVU)-mi ilinniartut,
- b) Sulisut ilinniagaqanngitsut, nalunaaquttap-akunnermusiallit qaammammusiallillu,
- c) Sulisut ilinniagallit, nalunaaquttap-akunnermusiallit qaammammusiallillu,
- d) EVU,
- e) Overassistentit,
- f) Områdelederit,
- g) Tunisassiornermik suliaqartut
- h) Niuertut,

KNI A/S-imi taassumaluunniit ingerlatseqatigiiffiutaani tamakkiisumik pigisaani atorfinitsinneqartut aammalu isumaqatigiissutitut allanut attuumassuteqanngitsut, isumaqatigiisummi uani akissarsialinnik taagorneqartut.

Imm. 2. Akissarsiallit inuussutissarsiornermik ilinniakkamik toqqagaqarsimasut aammalu niuernerimi allaffinnilu praktikkerfeqartut tassaapput TNI-mi NI-2 (AU/KVVU) -milu ilinniartut.

Imm. 3. Akissarsiallit ilinniartutut naammassillutik, TNI-mi ilinniakkatik aallaavigalugit atorfinitsinneqartut svenditut allagartallit imaluunniit ilinniarnerminnik uppersaateqartut ilinniagaqartuupput ilinniakkaminnik suliaqarunik.

Imm. 4. Akissarsiallit imm. 3-mi aalajangersakkanik naammassinnittut aammalu inuussutissarsiornermi ilinniaqqinnerminnik naammassillutik allagartallit EVU-mi NI 2 (AU / KVVU) -milu ilinniarsimasuupput.

Imm. 5. Akissarsiallit imm. 2 – 4-mi ilaatinneqanngitsut tassaapput sulisut ilinniagaqanngitsut.

Imm. 6. Immikkut ittunik pissutissaqartillugu akissarsialik ilinniagaqarsimanngitsoq illua'tungeriit isumaqatigiinniareernerisigut ilinniagalittut assistentimut qaffatsinneqarsinnaavoq assistentitullu akissaateqartinneqassalluni.

Imm. 7. Akissarsiallit isumaqatigiissut una malillugu nalunaaquttap-akunnermusialittut qaammammusialittullu atorfinitsinneqarsinnaapput. Sulisulli ilinniagallit nalinginnaasumik qaammammusialittut atorfinitsinneqassapput, piffissami killilikkami atorfinitsitaanngikkunik, soorlu

sulinngiffeqartunut napparsimasunullu paarlatsitut imaluunniit allatut qaammatit pingasut angullugit sivilissuseqartunik suliaqarallartutut. Sulisulli ilinniagaqartut namminneq kissaati-galugu nalunaaquttap-akunnermusiaqalersinnaapput imaluunniit nalunaaquttap-akunnermu-siaqaannarsinnaallutik.

Ataatsimut periaasissatut illua'tungeriit isumaqatigiissutigisimasaat Tunngaviusumik Isu-maqatigiisummi aalajangersagaapput – soorlu isumaqatigiissutit il.il. qanoq isumaqatiginni-utigineqartassasut.

§ 2 - Atorfininnermi soraarnermilu angalaneq, ineqarneq, nuutsitaaneq.

Akissarsiallit illoqarfimmi/nunaqarfimmi najugarisaminniit allamut atorfinitsinneqarunik ator-finikkiartorlutik angalanissaminnut aamma sivikinnerpaamik ukiut pingasut atorfeqareerner-minni soraarnerminnut atatillugu illoqarfimminnut/nunaqarfimminnut qimataminnut angala-nissamut akiliunneqartussaapput.

Imm. 2. Akissarsiallit imm. 1-imi taaneqartutut atorfinitsitaasut inissaqartinneqartussaapput – inissiamik attartornermi nalinginnaasumik akigititamik akilerneqartartussamik. Akissarsiallip inissamisut innersuunneqartoq piumanngippagu imaluunniit inissiamik attartornermut isu-maqatigiisummik sumiginnaappat KNI A/S inissaqartitsinissaminut pisussaataaassanngilaq.

Imm. 3. Kalaallit Nunaanni atorfik pigiinnarlugu allamut nuuttoqassappat nuunnermi anin-gaasartuutit KNI A/S-ip akilissavai.

§ 3 - Suliffiup sivilissusia.

Piffissaq nalinginnaasumik suliffiusartussaq sapaatip-akunnerinut marlunnut nalunaaquttap-akunnerinik 80-nik sivilissuseqarpoq, agguaqatigiissikkaanni qaammammut nalunaaquttap-akunneri 173,33-it. Sapaatip-akunnerata ulluini ataasiakkaani piffissat suliffiusussat aalajan-gersarneqartassapput suliffiup pisariaqartitsinera naapertorlugu. Sapaatip-akunnerani ullut arfineq-marluk ilaat ullut marluk akissarsiallip nalinginnaasumik sulinngiffissarai, sumiiffimmili isumaqatigiinnikkut tamanna saneqqunneqarsinnaavoq.

Imm. 2. Sulisut sulisullu sinnisui oqaloqatigereerlugit suliffimmut pitsaanerususaaq eqqarsaa-tigalugu ullormut piffissaq suliffiusartussaq sulisitsisumit aalajangersarneqassaaq. Isuma-qatigiinngittoqartillugu SIK uparuaasinnaatitaavoq, § 7 naapertorlugu.

Imm. 3. Piffissap suliffiusup nalaani sumiginnaanerit akissarsiatigut ilanngaaffigineqaataasas-sapput. Akissarsianit ilanngaataasassapput nalunaaquttap-akunneri suliffimmik sumiginnaaf-fiusut tamarmik, nalunaaquttap-akunnerini pineqartuni akissarsiallip nalinginnaasumik nalu-naaquttap-akunnermusiaasa amerlaqataannik. Sumiginnaanerit nalunaaquttap-akunnerata affaanik sivilissusillit nalunaaquttap-akunnerata affaanik sumiginnaanertut naleqassapput.

§ 4 - Atorfilittut angalanermi aningaasartuuteqarneruneq.

Sulinerimik inuussutissarsiutillit angerlarsimaffigisaminniit allamut aallartinneqarallartut im-mikkut akissarsitinneqartassapput Namminersorlutik Oqartussani kommunenilu tjenesteman-dit pillugit malittarisassat naapertorlugit.

Imm. 2. Pikkorissarnermut ilinniarnermulluunniit peqataaneq ullormut pikkorissarfiusumut nalunaaquttap-akunnerinut arfineq pingasunut (8)-tut naatsorsorneqartassaaq.

§ 5 - Atisat sullisit atortullu isumannaallisaatit.

Atisat sullisit atortullu isumannaallisaatit sulianut aalajangersimasunut sullivinnullu assigiinn-gitsunut naatsorsuussat Sullivinnik Nakkutillisoqarfimmit piumasarineqartut sulisitsisup akis-sarsialimmut akeqanngitsumik atugassanngortissavai.

Imm. 2. Akissarsialik pisussaataitaavoq atisat sullisit atortullu isumannaallisaatit sulisitsisumit tunniunneqartut atussallugit.

§ 6 - Sulisut sulinerinik unitsitsigallarnerit § 1 g) naapertorlugu.

Akissarsialik suliffimmi sivikinnerpaamik ulluni 30-ni atorfeqarsimasooq pissutsit avataaneersut pissutigalugit pilersaarutigisatut suliassamik ingerlatsisinnaanngitsoq suliassamillu allamik in-nersuunneqarsinnaanngitsoq, kisiannili nioqqutissiassaaleqineq imaluunniit maskiinanik aju-toorneq pissutigalugu angerlartitaasoq ullormut nalinginnaasumik suliffimmut akilernerqas-saaq, aamma nalinginnaasumik suliffiup aallartinnerani angerlartitaasimagaluaruniluunniit.

Imm. 2. Lærlingilli sulinerup unitsikkallarnejarnerini imm. 1-imi aalajangersagaq apeqqutaa-tinnagu tamatigut akissarsisinneqarsinnaatitaapput.

§ 7 - Uparuaasinnaatitaaneq.

SIK uparuaasinnaatitaavoq illua'tungeriit Tunngaviusumik Isumaqatigiissutaat atuuttoq naapertorlugu ulluinnarni piffissaq suliffiusartoq aammalu arfininngornikkut sulisannginnerit akissarsiallit kissaataannut naapertuuttumik naatsorsuutigineqanngissorigunigit, aammalu tamanna suliffimmut pitsaanerusussaq eqqarsaatigalugu tunngavissaqarsorinngikkuniuk.

Imm. 2. Akissarsiallip §§ 4-mi aammalu 22 – 34-imi pissarsiassat taaneqartut pissarsiarisinaaneraai nalornissutaassappat, aammalu sulisut sinniisaat aqputigalugu saaffiginnissutit naammaginartumik iluarsivigineqanngippata, illua'tungeriit Tunngaviusumik Isumaqatigiissutaanni malittarisassat naapertorlugit suliassaq suliarineqarsinnaavoq.

§ 8 - Akissarsiat tunniunneqartarnerat.

Nalunaaquttap-akunneranut akissarsialinnut ullut 14-ikkaarlugit akissarsititsisoqartarpoq, qaammammusialinnullu qaammatisiutit malillugit qaammammut akissarsititsisoqartarluni.

Imm. 2. Akissarsiallip nalunaarutigissavaa Kalaallit Nunaanni Danmarkimiluunniit aningaaserivimmi konto akissarsiami ikineqarfigisinnaasaat.

Imm. 3. Nalunaaquttap-akunnermusialinnut akissarsiassat tiguneqarsinnaalertassapput piffissap akissarsiffiusup naanerata kingorna sapaatip-akunnerani tulliuuttumi tallimanngornikkut. Qaammammusialinnut akissarsisitsineqartassaaq qaammatip ulluani aningaaseriviup nalinginnaasumik ammaffiani kingullermi.

Imm. 4. Imm. 3 naapertorlugu ullormi akissarsiat tiguneqarsinnaalerfianni akissarsiallip akissarsiassai kontoanut ikineqarsimanngippata akissarsiallip piumasaqarneratigut akissarsitinneqassaaq.

Imm. 5. Ulloq nalinginnaasumik akissarsiffissaq nalliuttuusimappat ulluinnarmi nalliuttup siuliani kingullermi akissarsisitsineqassaaq.

§ 9 - Sulinngiffeqarneq sulinngiffeqarnersiutillu.

Inatsisartut inatsisaanni nr. 10, 12. novembari 2001-imeersumi, § 2 naapertorlugu, inatsimmit makkua allaassutaassasut isumaqatigiissutigineqarput:

Feeriarneq pillugu Inatsisartut inatsisaat pisoq nr. 22, 25. oktobari 1990-imeersoq naapertorlugu akissarsialik ukiumoortumik sulinngiffeqarsinnaatitaavoq. Inatsisartut inatsisaanni § 1 imm. 2 naapertorlugu maleruagassat immikkut ittut ataani allassimasut isumaqatigiissutigineqarput.

Imm. 2. Akissarsialik pisinnaatitaavoq akissarsiami 12,5%-iat sulinngiffeqarnersiutissamisut katersussallugit, taakkunungali ilaatinneqanngillat isumaqatigiissummi § 4 naapertorlugu akissarsiat aammalu § 32 naapertorlugu sulisitsisup soraarnerussutisiassatut akiliutigisartagai.

Imm. 3. Akissarsiallit Inatsisartut inatsisaanni § 14 imm. 1 naapertorlugu akissarsiat pigiinnarlugit sulinngiffeqarnissamut taarsiullugu immikkut sulinngiffeqarnersiuteqarluni sulinngiffeqarnissaq qinerpassuk ullunik sulinngiffeqarfimmik amerlaqataannik akissarsiaminnit ilanngaavigineqassapput. Nalunaaquttap-akunnermusiaq nalinginnaasumik ukiumut akissarsiat 1/2080-attut naatsorsorneqassaaq.

§ 10 - Toqukkut qimagaasut aningaasarsiassa.

Akissarsialik § 1 imm. 1 naapertorlugu suli atorfeqartilluni toquppat uillarneranut / nuleernernut qitornaanulluunniit 18-it inorlugit ukiulinnut akissarsiallip pilersuisussaaffigisaanut imatut aningaasarsiaqartitsineqassaaq:

KNI A/S-mi ima sivilissusilimmik ataannartumik sulisimagaanni:

Ukioq ataaseq:	Tunngaviusumik qaammammusiat 1 nalingi.
Ukiut marluk:	Tunngaviusumik qaammammusiat 2 nalingi.
Ukiut pingasut sivilissusumillu:	Tunngaviusumik qaammammusiat 3 nalingi.

§ 11 - Napparsimaneq.

Akissarsialik napparsimanini pissutigalugu suliaminik ingerlatsisinnaajunnaarpat pissuteqavilluni sulinnginnertut tamanna naatsorsuunneqassaaq. Pissuteqavillunili sulinnginnertut naatsorsuunneqarsinnaanngilaq akissarsialik sulitilluni piaaraluni imaluunniit mianersuaalliorujussuarnermi kingunerisaanik sulisinnaajunnaarpat sulilernerminiluunniit peqquserlunnikut nappaateqarnini isertuussimappagu.

Imm. 2. Sulisitsisup piumasarisinnaavaa napparsimaneq nakorsap nalunaarutaatigut uppersarsarnejassasoq. Nakorsap nalunaarutaanut aningaasartuutit sulisitsisumit akilernejassapput.

Imm. 3. Nalunaaquttap-akunnermusiallit ulloq naallugu sulisartut SIK-mut ilaasortaasut napparsimanermik nalaani ullormusiaqartinneqartassapput akissarsialik napparsimalinnginnermini sivikinnerpaamik atasuinnarmillu ulluni 30-ni atorfeqarsimappat.

Imm. 4. Ullormusiaqartitsineq aallartinneqartassaaq sulisinnaannginnermi ullormit siullermi. Ullormusiaqartitsisoqassaaq sapaatip-akunnerisa ulluini 6-ini. Ullormusiat annerpaamik sapaatip-akunnerini 26-ni tunniunneqarsinnaapput qaammatit tulleriit 12-it ingerlaneranni. Sulisinnaajunnaarnerli sulilluni ajoqusernermik pissuteqarsimappat ullormusiaqarneq sapaatip-akunnerinik 13-inik sivitsorneqarsinnaavoq.

Imm. 5. Ullormusiaqartitsineq unissaaq akissarsiallip ullormi sulisinnaaqqilerfiani siullermi, ingerlaannaq sulilinngikkaluarpalluunniit aammalu ajorunnaarnerminik nalunaaruteqanngikkaluarpalluunniit. Akissarsialilli suliffimmi najugaqarfia qimallugu napparsimanermini katsorsartereerluni sulisinnaanngoqqikkuni aqqutissaq pilertornerpaaq atorlugu suliffimminut uternissaata tungaanut ullormusiaqartinneqaannassaaq.

Imm. 6. Napparsimanerup nalaani soraarsitaanermi ulloq suliunnaarfissaq tikillugu ullormusiaqartitaasinnaaneq atuutissaaq.

Imm. 7. Ullormusiat kr. 110,00-iupput, piffissamilu akissarsiorfimmi akissarsianut ilanngullugit SIK-mut ilaasortaasunut tunniunneqartassallutik.

Imm. 8. Qaammammusiaqarlutik akissarsialinnut tunngatillugu pissutissaqavillutik sulinngits-unut, imm. 1 naapertorlugu, nalinginnaasumik nalunaaquttap-akunnermusiaq ullormi tassani piffissap suliffiusup sivissusianik gangerlugu akissarsiarineqassaaq.

Imm. 9. Qaammammut akissarsiallit qaammatini malittuinnarni 12-ini katillugillu ulluni 120-ni napparsimanermik nalaanni akissarsiaqartinneqartut ullut 120-t takkua qaangiunnerannit ull-unik 30-nik sioqqutsisumik nalunaarfiginerisigut soraarsinneqarsinnaapput. Soraarsitsineq aatsaat atuussinnaavoq ullut 120-t pineqartut qaangiunnerannut tunngassuteqarpat aammalu akissarsialik sulii napparsimappat. Soraarsitsinerulli atuunnissaanut apeqquassanngilaq pine-qartup soraarsinneqarnerminik nalunaarfigineqarnermi kingornatigut suleqqilereersimanera.

Imm. 10. Imm. 9-mi aalajangersagaq naapertorlugu atorfeqarnek atorunnaarsimappat atorfi-nitsitseqqinneq aatsaat pisinnaasariaqarpoq pineqartoq sulisinnaaqqilerpat aammalu su-liffimmi pineqartumi sulisussanik pineqartunik sulii atorfissaqartitsisoqarpat.

Imm. 11. Atornerluisoqarpat aqqissuussinerit pineqartut akissarsialinnut ataasiakkaanut tunngatillugit atorunnaarsinneqarsinnaapput.

§ 12 - Naartuneq, ernineq qitornavissartaarnerlu.

Sulisoq akissarsiaqarluni sulinngiffeqarsinnaavoq naartunermut, erninermut qitornavissi-artaarnermullu atatillugu Inatsisartut inatsisaat sukkulluunniit atuuttoq malillugu.

§ 13 - TNI-mi ilinniartut praktikkernerisa sivitsornerat.

Naartuneq, ernineq qitornavissartaarnerlu pissutigalugit sulinnginnerit sivosqataannik prak-tikkerluni sulineq sivitsorneqassaaq Namminersornerullutik Oqartussat nalunaarutaanni nr. 51, 20. decembari 1990-imeersumi § 20 imm. 2 naapertorlugu.

Imm. 2. Ilinniartuq napparsimanini pissutigalugu ullut 120-t sinnerlugit sulisimangippat praktikkerfiup imaluunniit ilinniartup nammeneq praktikkernerup sivitsornissaa piumasarisin-naavaat Namminersornerullutik Oqartussat nalunaarutaanni nr. 51, 20. decembari 1990-imeersumi § 20 imm. 4 naapertorlugu.

**§ 14 - Meeqqap napparsimanerani sulinngissinnaaneq
aamma
ullut isumassuiffissat.**

Akissarsialik meeqqami nukangasup napparsimaffiani ullormi siullermi ullormilu tullermi paariniarlugu sulinngissinnaavoq akissarsiassani annaanagit, paarsisussarsinissami tungaanut.

Tamatuma saniatigut akissarsialik ullut 12-it angullugit akissarsiani annaanagit sulinngitsoorinnaatitaavoq meeqqami 0 – 14-inik ukiullip angerlarsimaffimmi, illoqarfimmi najugaqarfimminni avataanilu napparsimavimmut unitsinneqarneranut atasumik, kiisalu aamma napparsimavimmiit napparsimavimmut peqqinnissaqarfiup akiligaanik meeqqaminut ingiallortitut angalaqataasussaattilluni.

Imm. 2. Meeqqap napparsimanerani ullormi siullermi sulinnginnissamut tunngavissaatinneqartut makkuupput:

- a) Meeqqap napparsimanerani ulloq siulleq aamma/imaluunniit tullia,
- b) meeraq amerlanerpaanik 12-inik ukioqassaaq,
- c) meeqqamut ajunngitsussaaq pillugu pisariaqartitsineqassaaq, aamma,
- d) meeraq angerlarsimaffimmi najugaqartuussaaq.

Imm. 3. Meeqqap angerlarsimaffimmi, napparsimavimmut unitsinneqarneranut tamatumunngalu attuumassuteqartumik ingiallortitut angalaqataanissamut tunngatillugu sulinnginnissaaq sulisitsisumut uppernarsaatissaqartinneqassaaq.

Imm. 4. Immikkorluinnaq ittumik pisoqartillugu nakorsamillu uppernarsaatissinneqartumik meeqqap angerlarsimaffimmut, napparsimavimmut unitsinneqarnerani sulinnginneq ullut tallimat angullugit sivitsorneqarsinnaavoq.

Imm. 5. Atornerluisoqarpat aaqqissuussineq akissarsialinnut ataasiakkaanut tunngatillugit atorunnaarsinneqarsinnaavoq.

Imm. 6. Akissarsiallip nalinginnaasumik nalunaaquttap-akunnermusiaa ullormi tassani piffissap suliffiusup sivilissusianik gangerlugu akissarsisitsisoqassaaq.

Imm. 7. Suleqataasut imm. 2-mi piumasaqaatinik b)-mik aamma d)-mik naammassinnittut qaammatisiutini ukiumut ullut marluk meeqqanik isumassuiffittut atornissaannut pisinnaati-taapput.

§ 15 - Qinikkatut pisortanilu toqqakkatut suliaqarnerit.

Akissarsiallit pisariaqartitsineq naapertorlugu qinikkatut pisortanillu toqqakkatut suliaasaqar-titaallutik akissarsiaqaratik sulinngissinnaatitaapput, soorlu:

- a) Inatsisartunut ilaasortaq,
- b) Kommunalbestyrelsimut imaluunniit nunaqarfinni aqutsisunut ilaasortaq,
- c) Ilagiit sinniisaannut ilaasortaq,
- d) Atuarfimmi siulersuisunut,
- e) Eqqartuussisoq kredsdommeri,
- f) Eqqartuusseqataasartaq,
- g) Eqqartuussivimmi illersuisoq,
- h) Kommunefogedi kiisalu
- i) pisortatigoortumik pisussaaffiit allat pisortani oqartussaasunit suliassiissutaasut, SIK-p Peqatigiiffiini siulersuisunut ilaasortat imaluunniit SIK-p siulersuisuunerinut ilaasortat.

Imm. 2. Imm. 1 naapertorlugu suliffimmit qimagusimanerit piffissaq qaangiuttoorfiulersussaq sioqqullugu sulianik taamaattumik ingerlatsinerit eqqarsaatigalugit suliffimmik sumiginnaa-nertut naatsorsuunneqassanngillat. Suliffimmit qimagusimanissaq sapinngisamik siusinaar-tumik sulisitsisumut nalunaarutigineqartassaaq.

§ 16 - Sulinngissinnaanerit immikkut ittut allat.

Akissarsiallit SIK-mut ilaasortat SIK-p siulersuisuunerinut ilaasortaasut siulersuisuunerit ata-at-simiinnerini peqataanerminni akissarsiatik pigiinnarlugit sulinngissinnaapput ukiumut sisama-riarlutik.

Imm. 2. Qanigisat perulullutik napparsimaneranni, toquneranni ilisaaneranniluunniit peqa-taajartornissamut akissarsialik ullut arfineq pingasut angullugit akissarsiani pigiinnarlugit su-

linngissinnaatitaavoq. Taamatut sulinninnissamut qinnuteqaatit allaganngorlugit sulisitsisumut tunniunneqartassapput. Akiliunneqarluni angalanissamik akuerineqarsimaguni, siumut utimullu angalanerni ullunut marlunnut akissarsiaqartinneqassallutik.

Imm. 3. Qanigisatut isigineqassapput: Angajoqqaat, aapparisaq katissimasaq taamatulluunniit isigineqartoq, meeqqat qatanngutillu, kisianni aapparisaq katissimasap taamatulluunniit isigineqartup ilaqutai pinnagit.

Imm. 4. Imm. 3 malillugu sulisup qanigisaanik perululluni napparsimasoqartillugu toqusoqarsimatilluguluunniit Kalaallit Nunaanni Danmarkimiluunniit napparsimaruluttup toqusulluunniit najugaanut suliffeqarfimmit akiliunneqarluni angalatinneqassaaq sivikinnerpaamik qaammatini arfinilinni atorfeqareersimaguni. Sulinninnissaq allakkatigut sulisitsisumut qinnuteqaatigineqassaaq.

Imm. 5. Taamatut sulinninnerup nalaani akissarsiassat naatsorsorneqassapput imm. 1 aamma 2 naapertorlugit sulisup piffissaq suliffigisartagaa nalunaaquttap-akunnermusiaalu nalinginnaasoq tunngavigalugit.

Imm. 6. Akissarsiallit SIK-p Peqatigiiffiini siulersuisunut aamma SIK-p siulersuisuunerinut ilaasortaasut sulisartoqarnermut tunngatillugu suliassanik ingerlatsiumallutik akissarsiaqartik sulinninnissamik kissaatigisaat akuersaarneqartariaqarput. Taamatut sulinninnissaq ukioq ataaseq angullugu sivilissusilimmik akuersissutigineqarsinnaavoq.

§ 17 - Aaqqiaginnissutit assigiinngitsuliorlunilu soraarsitsinerit.

Aaqqiaginnissutit illua'tungeriit Tunngaviusumik Isumaqatigiissutaanni maleruagassat atuuttut naapertorlugit suliarineqartassapput.

Imm. 2. Inuit ataasiakkaat soraarsinneqarsinnaanerannut pisinnaatitaaffimmik atuinermit assigiinngitsuliortoqassanngilaq. Tamanna pillugu aaqqiaginnissutit tunngaviusumik isumaqatigiisummi maleruagassat naapertorlugit suliarineqartassapput.

§ 18 - Sulisut sinniisaat pillugit malittarisassat.

Sulisut sinniisaat pillugit illua'tungeriit isumaqatigiissutaat ulloq 1. aprili 2023-imi atuutilersoq innersuussutigineqarpoq.

§ 19 - Qanoq sivilutigisumik sulisimanikkut akissaasersugaaneq.

Akissarsiat ukiut ingerlaneranni qaffakkiartortinneqarnerat sulisunut ilinniagalinnut / ilinni-agaqanngitsunut tunngatillugu aalajangersarneqassaaq ilinniarsimasaq atorlugu qanoq sivilutigisumik sulisimaneq tunngavigalugu.

Imm. 2. Qanoq sivilutigisumik sulisimaneq malillugu akissarsiat qaffakkiartornissaat siusinnerpaamik naatsorsorneqalersinnaavoq qaammatip ilinniakkamik naammassinniffiusup naanera aallarnerfigalugu.

Imm. 3. Qanoq sivilutigisumik sulisimaneq malillugu akissarsiat qaffakkiartornissaat tamatigut qaammatinut ilivitsunut akunnaallisarneqartassaaq, ullut 15-it taakkualuunniit ataallugit sulisimanerit ilanngunneqarneq ajormata.

Imm. 4. Akissarsiallit KNI A/S-imi immikkoortoqarfimmiit immikkoortoqarfirmut allamut nuuttut qanoq sivilutigisumik sulisimaneq malillugu akissarsiat qaffariaatissaat attatiinnasavaat.

§ 20 - Akissarsiat tunngaviusut.

Tunngaviusumik akissarsiat ukiut tamaasa qaffassapput, nalunaaquttap akunneranut imatut:

TNI-mi ilinniartut				
	1. april 2026		1. april 2027	
	Nal. akun. Kr.-it	Qaammammut Kr.-it	Nal. akun. Kr.-it	Qaammammut Kr.-it
Ukioq 1.	60,66	10.514,11	62,18	10.776,96
Ukioq 2.	75,68	13.116,87	77,57	13.444,79
Ukioq 3.	90,51	15.687,67	92,77	16.079,86
Ukioq 4.	93,90	16.275,73	96,25	16.682,62
Ukioq 5.	95,60	16.570,65	97,99	16.984,92

Imm. 2. - Ilinniagaqanngitsut 18-it ataallugit ukiullit.				
	1. april 2026		1. april 2027	
	Nal. akun.	Qaammammut	Nal. akun.	Qaammammut
	Kr.-it	Kr.-it	Kr.-it	Kr.-it
Ukioq 1.	72,72	12.605,20	74,54	12.920,33
Ukiut 2 + 3.	72,80	12.617,65	74,62	12.933,09
Ukiut kingulii	73,82	12.795,31	75,67	13.115,19

Imm. 3. - Ilinniagaqanngitsut 18-it sinnerlugit ukiullit, kiisalu NI-2-mi ilinniartut				
	1. april 2026		1. april 2027	
	Nal. akun.	Qaammammut	Nal. akun.	Qaammammut
	Kr.-it	Kr.-it	Kr.-it	Kr.-it
Ukiut 1 + 2.	113,51	19.674,42	116,35	20.166,28
Ukiut 3 + 4.	114,02	19.763,26	116,87	20.257,34
Ukiut 5 + 6.	114,53	19.852,09	117,40	20.348,39
Ukiut 7 + 8.	115,05	19.940,92	117,92	20.439,45
Ukiut kingulii.	115,56	20.029,75	118,45	20.530,49

Imm. 4. - Ilinniagallit				
	1. april 2026		1. april 2027	
	Nal. akun.	Qaammammut	Nal. akun.	Qaammammut
	Kr.-it	Kr.-it	Kr.-it	Kr.-it
Ukiut 1 + 2.	133,60	23.156,63	136,94	23.735,54
Ukiut 3 + 4.	134,62	23.334,29	137,99	23.917,65
Ukiut 5 + 6.	135,65	23.511,95	139,04	24.099,75
Ukiut 7 + 8.	136,67	23.689,62	140,09	24.281,86
Ukiut kingulii.	137,70	23.867,28	141,14	24.463,96

Imm. 5. - Overassistentit ilinniagallit				
	1. april 2026		1. april 2027	
	Nal. akun.	Qaammammut	Nal. akun.	Qaammammut
	Kr.-it	Kr.-it	Kr.-it	Kr.-it
Ukiut 1 + 2.	139,39	24.160,43	142,87	24.764,44
Ukiut 3 + 4.	140,16	24.293,67	143,66	24.901,01

Imm. 5. - Overassistentit ilinniagallit				
	1. april 2026		1. april 2027	
	Nal. akun. Kr.-it	Qaammammut Kr.-it	Nal. akun. Kr.-it	Qaammammut Kr.-it
Ukiut 5 + 6.	140,94	24.428,70	144,46	25.039,42
Ukiut 7 + 8.	141,70	24.560,17	145,24	25.174,17
Ukiut kingulii.	142,46	24.693,42	146,03	25.310,75

Imm. 6. - Immikkoortumi Pisortat				
	1. april 2026		1. april 2027	
	Nal. akun. Kr.-it	Qaammammut Kr.-it	Nal. akun. Kr.-it	Qaammammut Kr.-it
Ukiut 1 + 2.	147,27	25.526,30	150,95	26.164,82
Ukiut 3 + 4.	148,46	25.732,75	152,17	26.376,07
Ukiut 5 + 6.	149,64	25.937,06	153,38	26.585,49
Ukiut kingulii.	150,81	26.139,59	154,58	26.793,08

Niuertut

Imm. 7. - Niuertut - 1. Januaari 2018 sioqqullugu atorfinittut		
	1. april 2026	1. april 2027
Nunaqarfiit 200-it ataallugit inullit	Qaammammut Kr.-it	Qaammammut Kr.-it
Ukiut 1 + 2.	28.300,85	29.008,38
Ukiut 3 + 4.	29.325,85	30.059,00
Ukiut kingulii.	30.350,85	31.109,63
Nunaqarfiit 201 – 400-nik inullit		
Ukiut 1 + 2.	31.375,85	32.160,25
Ukiut 3 + 4.	32.400,85	33.210,88
Ukiut kingulii.	33.425,85	34.261,50

Imm. 7. - Niuertut - 1. Januaari 2018 sioqqullugu atorfinittut		
	1. april 2026	1. april 2027
Nunaqarfiit 401 – 600-nik inullit	Qaammammut Kr.-it	Qaammammut Kr.-it
Ukiut 1 + 2.	34.450,85	35.312,13
Ukiut 3 + 4.	35.475,85	36.362,75
Ukiut kingulii.	36.500,85	37.413,38

Imm. 8. - Niuertut - 1. Januar 2018 kingusinnerusumiilluunniit atorfinittut		
	1. april 2026	1. april 2027
Nunaqarfiit 100-it ataallugit inullit	Qaammammut Kr.-it	Qaammammut Kr.-it
Ukiut 1 + 2.	25.526,65	26.164,82
Ukiut 3 + 4.	25.732,75	26.376,07
Ukiut kingulii.	25.937,06	26.585,49
Nunaqarfiit 101 – 200-nik inullit		
Ukiut 1 + 2.	28.300,85	29.008,38
Ukiut 3 + 4.	29.325,85	30.059,00
Ukiut kingulii.	30.350,85	31.109,63
Nunaqarfiit 201 – 400-nik inullit		
Ukiut 1 + 2.	31.375,85	32.160,25
Ukiut 3 + 4.	32.400,85	33.210,88
Ukiut kingulii.	33.425,85	34.261,50
Nunaqarfiit 401 – 600-nik inullit		
Ukiut 1 + 2.	34.450,85	35.312,13
Ukiut 3 + 4.	35.475,85	36.362,75
Ukiut kingulii.	36.500,85	37.413,38

Imm. 9. Niuertut akissarsiaqarnikkut inissinneqarnerat pisassaaq ukiumi atorfinitsitsiviusumi januaarip aallaqqaataani nunaqarfiup inuttussusianik Kalaallit Nunaanni Naatsorsueqqissaar-tarfiup naatsorsugaatai aallaavigalugit. Atorfeqarnerup nalaani nunaqarfik inukillippat atorfi-nitsinneqarnermi akissarsiaqarnikkut inissinneqarfigisaq attatiinnarneqassaaq.

Niuertut 31. decembari 2017, imm. 7 naapertorlugu, atorfinitsinneqarsimasut nunaqarfimmi allami niuertutut atorfissarsiorlut imm. 8 naapertorlugu inissinneqarlutillu akissarsiaqartin-neqassapput.

§ 21 - Områdelederitut tapeq.

Områdelederit ilinniagallit qaammammut aaliangersimasumik kr. 1.000-inik tapisitinneqas-sapput.

§ 22 - Piffissap ilaannaani suliffeqarneq.

Akissarsiallit piffissap ilaannaani sulisussatut atorfinitsinneqartut piffissamut sulinerminnut naapertuuttumik akissaateqartinneqassapput qaammammusiaqanngikkunik nalunaaquttap-akunnermusiaqartinneqassallutik § 19 naapertorlugu ilinniarsimasaminni qanoq sivilutigisu-mik sulisimanerat tunngavigalugu naatsorsorneqartussamik.

Imm. 2. Akissarsiallit piffissap ilaannaa suliffeqartut sapaatip- akunnerannut agguaqatigiissil-lugu nalunaaquttap-akunnerini 15-ini taakkunanngaluunniit amerlanerusuni sulisarunik ukiut suliffiit malillugit akissarsiat qaffakkiartuutaat tamakkiisumik pisassavaat. Sapaatip-akun-nerannut agguaqatigiissillugu nalunaaquttap-akunnerini 15-init ikinnerusuni sulisarunik ukiut suliffiit malillugit akissarsiat qaffakkiartuutaat piffissap suliffigisartakkamik sivilussusianut na-apertuuttunngorsarlugit pissavaat.

Imm. 3. Piffissaq suliffiusussatut isumaqatigiissutaasimasooq sinnerlugu sulisoqarsimappat, ki-sianni sapaatip-akunnerinut marlunnut nalunaaquttap-akunnerisa 80-t iluanni sulineqarsi-malluni, nalinginnaasumik nalunaaquttap-akunneranut akissarsisitsisoqassaaq.

Imm. 4. Sapaatip-akunnerinut marlunnut nalunaaquttap-akunneri 80-t sinnerlugit sulineqar-simappat § 23 naapertorlugu akissarsisitsineqassaaq.

Imm. 5. Piffissamik suliffiusartumik allanngortitsineq, aamma sulilernermi piffissamik piffissap ilaannaani sulisartunut suliffiusartussamik isumaqatigiissutigisamik sivitsuigallarnek, taamaallaat pisinnaavoq ullunik pingasunik sioqqutsilluni ilisimatitsinikkut. Taamatut sioqqut-silluni ilisimatitsisoqarsimanngippat nalunaaquttap-akunneri suliffigisat qaavatigut naluna-aquttap-akunneranik ataatsimik akissarsitsisoqassaaq. Piffissamik suliffiusussamik allanngor-titsineqartillugu allanngortinneqartup nalaani suleqataanninnissamik ataasiakkaat kissaataat eqqarsaatigineqarsinnaapput.

§ 23 - Qaangiuttoorneq aamma taarsiullugu sulinngikkallarnek.

Qaangiuttoornerit sapinngisamik pinaveersaarnekartassapput. Nalinginnaasumik piffissap su-liffiusup qaangiutereernerani naalakkiutaasumik nakkutigisaasumillu sulinernut qaangiuttoor-nersisitsisoqartassaaq, nalunaaquttap-akunnermusiaq ima annertussusilimmik taperlugu:

- Nalunaaquttap-akunneri qaangiuttoorfiit 1, 2 aamma 3.....Tunngaviusumik akis-sarsiat 50 %-iat, takuuk § 20.
- Nalunaaquttap-akunneri qaangiuttoorfiit 4 kinguliilu kiisalu sapaatini nalliuttunilu qaangiuttoornerit.....Tunngaviusumik akissarsiat 100 %-iat, takuuk § 20.

Qaangiuttoornerisiasat katersorneqassapput nalunaaquttap-akunnerisa affaat aallartinneqar-tut tunngavigalugit. Nalunaaquttap-akunnermusiaq nalinginnaasumik ukiumut akissarsiat 1/2080-iattut naatsorsorneqassaaq.

Imm. 2. Akissarsiallit piffissami akissarsiorfimmit sivikinnerusumik sulisimasut piffissaq suliffi-gisaat ullormut nalunaaquttap-akunnerinut 8-nut naatsorsorneqassaaq, taamaattorli sapaatip-akunneranut nalunaaquttap-akunneri 40-t.

Imm. 3. Qaangiuttoornissaq ilisimatitsissutigineqartassaaq ullormi qaangiuttoorfiusussami su-liffiup naanissaa nalunaaquttap-akunnerinik tallimanik sioqqullugu.

Imm. 4. Qaangiuttoornissaq siumoortumik ilisimatitsissutaanngippat, qaangiuttoornerlu nalu-naaquttap-akunneri marluk sinnerlugit sivilissuseqarpat, nalunaaquttap-akunneri qaangiut-toorfiusut nalunaaquttap-akunneranik ataatsimik ilallugit akissarsissutigittinneqassapput.

Imm. 5. Akissarsialik suliffiup nalinginnaasup avataani siumoortumik ilisimatinneqarnani suliar-toqquneqarpat ikinnerpaamik nalunaaquttap-akunnerinik sisamanut akissarsitinneqassaaq.

Imm. 6. Ullormut suliffissap nalinginnaasup avataatigut qaangiuttoornerit sivikinnerpaamik nalunaaquttap-akunneri 4-ppata taakku suliffioreersut saniatigut qaangiuttoornerisiamik nalunaaquttap-akunnerata ataatsip nalinganik akissarsissutigineqassaaq.

Imm. 7. Qaangiuttoornerit akissarsiallip sulisitsisullu akornanni isumaqatigiissuteqarneratigut sulinngikkallarnermik taarserneqarsinnaapput. Sulinngikkallarnermi qaangiuttoornerisiasaraluit nalunaaquttap-akunnerisa qaangiuttoorfiusut amerlaqataat imm. 1-imi taaneqartunik taperlugit sulinngiffeqarnermik taarserneqassapput. Piffissaq sulinngikkallarfissaq katersorneqassaaq qaangiuttoornermi nalunaaquttap-akunnerisa affaasa aallartinneri tamaasa. Piffissaq sulinngikkallarfissaq aalajangerneqassaaq suliffimmut ajunngitsussaq sulisullu kissaatai eqqarsaatigalugit.

Imm. 8. Ilinniartut TNI-milu ilinniartut qaangiuttoorneri sulisut ilinniagaqanngitsut 18-inik uki-oqalereersimasut ullunut 14-inut akissarsiaqartut akissarsiaasa angeqqataanik akilerneqartassapput.

§ 24 - Suliartortarfinni nikittartuni kiisalu sapaatini nalliuttunilu tapisiat.

Sapaatini nalliuttunilu sulinermi nalunaaquttap-akunnermusiaq tunngaviusumik akissarsiat 50%-iannik taperneqartassaaq, § 20 naapertorlugu.

Ulluinnarni piffissani ukunani sulinermit:

Nal. 18.00 - 23.00 tapisiaritinneqassapput kr. 4.50 nalunaaquttap-akunneranut.

Nal. 23.00 - 06.00 tapisiaritinneqassapput kr. 7.50 nalunaaquttap-akunneranut.

Arfininngornermi nal. 14.00-ip kingorna sulinermi nalunaaquttap-akunneranut tapeq kr. 7,50-iuvoq. Akissarsiallit 18-it inorlugit ukiullit arfininngornermi tapip 50%-ianik pisassapput.

Qaangiuttoortoqartillugu qaangiuttoornerit aamma § 23 imm. 1 naapertorlugu akilerneqartassapput.

Imm. 2. Ullut nalliuttutut isigineqassapput, uku:

- a) Ukiortaaq, 1. Januaari,
- b) Kunngit pingasut ulluat 6. januaari (nal. 12-imit),
- c) Sisamanngorneq illernartoq,
- d) Tallimanngorneq tannaartoq,
- e) Poorski aamma Poorskip aappaa,
- f) Sulisartut nunani tamalaani ulluat 1. maaji, (ulloq tamaat akilerneqassaaq),
- g) Tussiarfissuaq,
- h) Qilaliarfik,
- i) Piinsip ullua aamma Piinsip aappaa,
- j) Inuiattut ullorsiorfik, 21. juuni,
- k) Juulliaaraq, 24. decembari,
- l) Juullip ullua, 25. decembari,
- m) Juullip aappaa, 26. decembari
- n) Ukiutoqaq, 31. Decembari.

§ 25 - Nalliuttuni ulluinnartigoortuni akissarsiat.

Nalliuttutut ulluinnartigoortutut isigineqassapput nalliuttut § 24 imm. 2-mi taaneqartut, taakku sapaammik eqquinngippata.

Imm.2. Akissarsialinnut nalunaaquttap akunnermusialinnut nalliuttut ulluinnartigoortuni akissarsiaqartitsisoqassaaq, imatut annertussusilinnik:

	Nalliuttuni ulluinnartigoortunut ilivitsunut	Nalliuttuni ulluinnartigoortunut affarnut
Ilinniarsimasut ilinniarsimangitsullu	kr.-it 200,00	Kr.-it 100,00
Ilinniagaqarsimanngitsut 18-it ataallugit ukiullit	kr.-it 100,00	kr.-it 50,00

taamatulli tapisiaqassagaanni ataani taaneqartoq uku marluk eqquutsinneqassapput:

- a) Sulinermik inuussutissarsiuteqartoq nalliuttup ulluinnartigoortup siuninnguagut suliffimmi tassanerpiaq atasuinnarmik ulluni tallimani sulisimassaaq.

Imm. 3. Nalliuttumi ulluinnartigoortumi sulisoqarpat imm. 2 naapertorlugu akissarsiat isumaqatigiissutaasut nalinginnaasut qaavatigut nalliuttumut ulluinnartigoortumut tapeqartitsisoqassaaq.

Imm. 4. Piffissap ilaannanni suliffeqartut ullut arfineq-marluk ingerlaneranni nalinginnaasumik nalunaaquttap-akunneri 20-t inorlugit sulisartut imm. 2-mi taaneqartut affaannik tapeqartinneqassapput.

§ 26 - Nikittarluni sulinermut tapisiat § 1 g) naapertorlugu atorfeqartunut.

Nikittarluni sulinermit tunngaviusumik akissarsiat tapeqartinneqassapput. Tapeq nalunaaquttap-akunnerinut suliffiusunut tamanut atuuttoq imaassaaq:

Sulisut aappasaanik nikinnerinut (unnukkorsiortunut)	kr. 4,50.
Sulisut pingajussaanik nikinnerinut (unnuarsiortunut)	kr. 7,50.

Imm. 2. § 24-mi taaneqartut nikingasumik sulinermut tapisiat aamma nikittarluni sulinermut tapisiat imm. 1-mi taaneqartut ataatsikkut atortinneqassanngillat.

Imm. 3. Suliartortarfinni nikittartuni qaangiuttoornermi aamma nikittarluni sulinermit sulinngikkallartitsisoqartassaaq § 23 imm. 6 naapertorlugu imaluunniit qaangiuttoornerisitsisoqassalluni § 23 imm. 1 naapertorlugu, imm. 1 naapertorlugu tapiissutisiassanut taarsiullugu.

Imm. 4. Nikinnerit aappaanni pingajuannilu nalunaaquttap-akunnerisa 40-t anguneqarneri tamaasa toqqorneqarallartussatut pissarsiarineqartassapput sulinngikkallarnerit nalunaaquttap-akunnerisa suliffiit marluk nalingi, taakkulu ullorlu ilivitsaq sulinngiffittut tunniunneqartassallutik sulisitsisup sulisullu isumaqatigiissuteqarnerisigut taassumalu sulisut sinniisuat aqqu-tigalugu. Nikinnerit aappaanni pingajuannilu sapaatip-akunnerata ulluisa ilaannaani sulinermit

sulinngikkallarfissaq piffissamut suliffigisimasamut naapertuuttumik toqqorneqarallartussaq pissarsiarineqartassaaq.

§ 27 - Akkordersinnaannginnermut tapisiat § 1 g) naapertorlugu atorfeqartunut.

Sannavinni il.il. akkorderfiusinnaanngitsuni akkordersinnaannginnermut ima tapisisitsisoqartassaaq:

Sulisartut ilinniagallit	kr. 4,20 nalunaaquttap-akunneranut
Suisartut ilinniagaqanngitsut	kr. 2,40 nalunaaquttap-akunneranut

Imm. 2. Sulisut bonusisiaqarluni akkorderluniluunniit sulinissamut periarfissaqanngitsut, tunisassiornermulli toqqaannartumik atasumik suliallit, taamatuttaaq tapisiaqartinneqartassapput. Illua'tungeriit isumaqatigiissuteqarnikkut aalajangersassavaat sulisut kikkut taamatut tapisiaqartinneqartassanersut.

Imm. 3. Imm. 1 naapertorlugu tapisiat imaalillugit qaffanneqarsinnaapput:

Sulisartut ilinniagaqarsimasut	kr. 6,60 nalunaaquttap-akunneranut
Sulisartut ilinniagaqanngitsut	kr. 5,00 nalunaaquttap-akunneranut

Tapisiassaq taanna sulisunut pikkorissunut tunniunneqarsinnaavoq sulisitsisup suliffimmilu sulisut sinniisaata isumaqatigiinniareernerisigut.

§ 28 - Suliartoqquneqariataarsinnaanermut tapeq.

Akissarsiallit nakkutigineqarsinnaanngitsumik nakkutigiuminaatsumiilluunniit qaangiuttoortartut qaangiuttoornerisiaannut aammalu suliartortarfinni nikittartuni sulinermut tapisiaannut taarsiullugu sukkulluunniit suliartoqqusaasinnaanermut tapisiaqartinneqarsinnaapput. Tapeq taanna qanoq atsigissanersoq suliffeqarfiup sulisullu sinniisaata akornanni isumaqatigiinniarnikkut imaluunniit isumaqatigiinniartarnerni illua'tungeriit isumaqatigiinniarnernerisigut aalajangersarneqassaaq.

§ 29 - Oqaluttaanermut tapeq.

Akissarsiallit oqalutsitut ilinniagaqavissimanngitsut, kisianni oqaluttaanermik allakkatigullu nutserinernik suliaqartartut, qaammammusalinnut qaammammut kr. 500,00-nik aamma nalunaaquttap-akunnermusialinnullu sapaatip-akunneranut kr. 125,00-nik tapisiaqartinneqassapput.

§ 30 - Kingoraartaaneq.

Akissarsialik qinnuigineqarnini naapertorlugu atorfimmi qaffasinnerusumi sulisinneqarallartoq maleruagassat ataani taaneqartut malillugit akilersorneqartussaavoq, suliasat atorfimmut qaffasinnerusumut attuumassuteqartut tiguppagit.

Imm. 2. Atorfimmi qaffasinnerusumi sulisinneqarallarnermi akilersorneqartussaaneq atuuti-lissaaq akissarsiallip atorfimmik tigusinerniit.

Imm. 3. Tamatuma kingorna akissarsiasat ima aaqiivigineqassapput, akissarsiallip nam-mineq atorfimmini nalinginnaasumik akissarsiaasa atuuttut atorfimmilu qaffasinnerusumi ti-gummigallagaani akissarsiaritinneqartut assigiinngissutaat akissarsiaanut ilanngunneqas-sallutik, tapiliussaqaarpallu taakku ilanngullugit.

§ 31 - Tapisiat immikkut ittut.

KNI A/S SIK-mik imaluunniit sulisut sinniisaannik isumaqatiginninniaqqaarani inummut nam-minermut tapisiaqatitsisinnaavoq aalajangersimasumik tapisiaqartitsinikkut imaluunniit ataasiarluni tapisiaqartitsinikkut, tamatumani siunertaalluni sulisussaqaarnissamik sulisunillu attassinissamik qulakkeerinninnissaq aamma/imaluunniit immikkut ittumik sulilluarnermut akiliuteqaarnissamik.

Imm. 2. Akissarsiallit umiarsuarnik usilersuiner-mi usingiaanermilu suleqataasartut sumiiffimmi isumaqatigiissuteqarfigineqarsinnaapput usilersuiner-mut usingiaanermullu nalunaaquttap-akunneranut annerpaamik 7,00 kr.-inik tapeqartinneqarnissaannik.

§ 32 - Soraarnerussutisiaqalernissamut akiliutit taakkualu akilerneqartarnerat.

Akissarsiallip soraarnerussutisiassaanut akiliutit sulisitsisup Soraarnerussutisiaqalernissamut Aningaasaateqarfimmut (SISA) akilertassavai.

Akissarsiallip soraarnerussutisiassaanut akiliutit, 18-inik ukioqalersimasumut sinnerluguluunniit ukiulimmut:

Sulisitsisup akiliutissaa:

- 1. Apriili 2026-miit: 10,00 %-iat, tunngaviusumik akissarsianiit, takuuk § 20.

Akissarsiallip akiliutissaa:

- 1. Apriili 2026-miit: 3,36 %-iat, tunngaviusumik akissarsianiit, takuuk § 20.

§ 33 - Aningaasaateqarfiit.

Oplysnings- og uddannelsesfonden.

KNI A/S Qaammarsaanermut Ilinniartitaanermullu Aningaasaateqarfimmut 1. septembari 1971-imeersumut nalunaaquttap-akunneranut suliffigineqartumut 0,70-kr.-inik akiliuteqartassaaq.

Imm. 2. Sulinngiffeqarluni Angalanermut Aningaasaateqarfik.

KNI A/S nalunaaquttap-akunneranut suliffigineqartumut 0,50 kr.-inik Sulinngiffeqarluni Angalanermut Aningaasaateqarfimmut akiliuteqartassaaq.

Imm. 3. Inunnik isumaginninnermut aningaasaateqarfik.

KNI A/S Inunnik Isumaginninnermut Aningaasaateqarfimmut SIK aamma Namminersorlutik Oqartussat ulloq 1. April 2023-miit isumaqatigiissutaannut atuuttumut ilannguppoq, aamma KNI A/S nalunaaquttap-akunneranut suliffigineqartumut 0,43 kr.-inik akiliuteqartassaaq.

§ 34 - Soraarniuteqarneq soraarsitsinerlu.

Atorfilinnut isumaqatigiisummi matumani pineqartunut atuupput soraarniuteqarnermi soraarsitsinermilu siumoortumik kallerriisarnissamut aalajangersakkat atorfillit pillugit inatsimmiittut. Atorfillit isumaqatigiisummi tassani pineqartut misilinneqarlutik qaammatini pingasuni atorfinitsinneqartassapput. Misilinneqarluni atorfeqarnerup nalaani sulisitsisoq ullunik 14-inik sioqqutsisumik kallerriuteqarluni soraarsitsisinnaavoq.

Akissarsialinnut atorfillit pillugit inatsimmi pineqanngitsunut soraarsitsinermi sioqqutsisumik kallerriuteqartarnissamut aalajangersakkat uku atuupput:

Qaammatip suliffiusup siulliup ingerlanerani atorfeqarnerup atorunnaarsinneqarnissaanut tungasumik sulisitsisoq sulisorluunniit siumoortumik kallerriinissaminnut pisussaataaangillat. Tamatuma kingorna makku atuutissapput:

Kallerriiffissat Ilinniagaqanngitsunut	KNI A/S-miit		Sulisumiit	
	Nal. Akun.	Qaammamm.	Nal. Akun.	Qaammamm.
Ukiup atorfeqarfiup 1-p sinnera	Sap.ak. 2	Qaamm. 1	Ullut 3	Qaamm. 1
Ukiut atorfeqarfiusut 2, 3, 4	Sap.ak. 3	Qaamm. 2	Sap.ak. 1	Qaamm. 1
Tamatuma kingorna	Sap.ak. 4	Qaamm. 3	Sap.ak. 1	Qaamm. 1

Kallerriiffissat Ilinniagallit	KNI A/S-miit	Sulisumiit
	Qaammammusiallit	Qaammammusiallit
Qaammatit arfinillit siulliit iluini	Qaammat ataaseq	Qaammat ataaseq
Qaammatini arfinilinni atorfeqareernermi	Qaammatit pingasut Tamatuma kingorna: kallerriiffissaq ukiut pingasukkaarlugit qaammammik ataatsimik sivitsorneqartassaaq, sivisunerpaamilli qaamm. 6-it	Qaammat ataaseq

Imm. 2. Suliunnaarnissamik / soraarsitsinermik kallerriuteqarnissamut piffissarititaasut su-liffim-mi tassanerpiaq aammalu atasuinnarmik piffissani taakkunani sulisimasunut imm. 1-imi

taaneqartut malinneqassapput. Taamaattoq pissutsit makku sulionnaarnertut naatsorsuutigineqassanngillat:

- a) Napparsimaneq, suliffiup nalinginnaasup aallartinnerani suliffimmut nalunaarutigin eqartoq,
- b) Inatsisartut peqqussutaat naapertorlugu naartunermi, erninermi qitornavissiar taarnermilu sulinngiffeqarnermi, imaluunniit
- c) Pissutsit sulisitsisup atugarisai pissutigalugit sulinermik unitsitsinerit, akissarsialik neqeroorfigineqarnini tunngavigalugu suleqqilersimappat,
- d) Sulisitsisup akissarsiallillu isumaqatigiissuteqarnerat tunngavigalugu suliffeqarfik qimannagu immikkoortoqarfimmit immikkoortoqarfimmut allamut nuutsitaasqarsimatillugu.

Imm. 3. Sulisitsisup soraarsitsinissamik siumoortumik kalleriinissaralua atorunnaassaaq akissarsialik atorfeqartitaanermini pissutsinik atornerluisimappat.

Imm. 4. Sulisitsisup soraarsitsinissamik siumoortumik kalleriinissaralua atorunnaassaaq suliffimik ingerlatsineq tamakkiisumik ilaannakortumilluunniit naatsorsuutiginnngisamik unitsinneqarnerani sulisoqarsinnaajunnaarallarsimappat.

Imm. 5. Sulisoq sulisitsisorlu tamarmik sulionnaarnissamik/soraarsitsinissamik allakkatigut kalleriuteqartassapput.

§ 35 - Piffissaq isumaqatigiissutip atuuffia.

Isumaqatigiissut una 1. aprili 2026 atuutilerpoq. Isumaqatigiissut qaammatinik pingasunik siqqutsisumik kalleriuteqarluni 31. marsimut illua'tungeriinnit atorunnaarsinneqarsinnaavoq, siusinnerpaamilli 31. Marts 2028-imi.

Imm. 2. Isumaqatigiissutip atorunnaarsinneqarnerata kingorna nutaamik isumaqatigiissuteqarnissap tungaanut 31. marsi 2028 killigalugu akissarsiat pillugit isumaqatigiissummi atuuttut malinneqassapput.

Imm. 3. Isumaqatigiissut una aqqutigalugu sulisut SIK-mut ilaasortanngoqqullugit KNI A/S-ip kaammattorusuppai.

Nuuk, ulloq juulip 13-ani 2026

Sisimiut ulloq juulip 17-ani 2026


Sulinermik Inuussutissarsiuqartut Kattuffiat

KNI A/S



Jess G. Berthelsen

Kattuffimmi siulittaasoq



Jeppe Jensen

Pisortaq